

Ubvur uwu Uyaku

Utsutson ri itsi ubvur Uyaku

Awu Uyaku Atseng ubvur uwurε. Abɔɔ akaiferhkɔ ugε atseng ubvur uwurε ra amεk aki 45-50 udzur ru unumkpi umbɔ aka amar Uyesu. Utsutson udεyiwe ugε Uyaku uner uwuku utseng ubvur uwurε awu ungwεmbɔ Uyesu (Umat 13.35; Umar 6.3).

Uyaku atseng ubvur uwurε amesuwe <<abika adɔsu Uyesu anui usɔkdũmɛn hã aka asita amaa upfunga.>> Uner uwuku utseng ubvur ha akũ irhɛm arherhe arherhε amesuwe imesi itsoi nu imesi iyiki ikpɔm amɛn abika adɔsa nu ikikorhambɔ. Unga amesuwe itsi arherhe arherhε ri itsi abika adɔsa. Itsi arherhe ha iwu iwe ru ubin nu isheru ubin, iviviri, amɛn aka aze, amɛn aka abewe, imangmang nu ikikorhe, itser arhɛm, itsoi, ifuw, iberi itsi nu irherhi itsi, itsu uvau ra abɔɔ, igbana, idɔngamɛn, nu ifɛn-Num.

Ubvur ha idεyiwe ugarh ukpu imangmang nggu itser, nu imesi iyi ibibεk iyi abika adɔsa.

Abinkε aka awe umɔ

Utsutson ri itsi ubvur ha (1.1)

Imangmang nu itsoi (1.2-8)

Iwe ru ubin nu isheru ubin (1.9-11)

Iviviri (1.12-18)

Igigũ nu ikikorhe (1.19-27)

Igbiir ato ri itsi iseng asu (2.1-13)

Imangmang nu itser (2.14-26)

Uner uwuku udɔsa nu urhɛmnga (3.1-18)

Uner uwuku udɔsa nu upfung (4.1–5.6)
Imesa iyɔɔ (5.7-20)

¹ Ighwe idzeku Uyaku ugārḥã Unum nu uwu Uteijee Uyesu Ukiristo. Izĩ ra abika adɔsu Uyesu anui usɔkdũmɛn ḥã aka asita amaa upfunga.

Iviviri nu andeya

² Àka anyanga ake awe abin anggɔm, umbi angwẽmɛn nu anapumɛn, ivangyɛ ikpũ andeya arḥerḥɛ aka ikpo umbi,

³ ubinkutsu umbi ahwɛngmbi iviviri imang-mangmbi ngge itsú ibibimambi.

⁴ Àka amesa ibima ru ubɛn ubin ngge itsú umbi akɔ na awe undzumunga, asi íshembi ru ubin.

⁵ Unera ru umbi aba abeenga itsoi, unga arhusu Unum, uwuku udzowe izũwã ru kishoo na asi ibeenga uvau, awuri idzowuka unga.

⁶ Bɔr ivangyɛ unga aka irhusa, awu ufang unga awe ru imangmang asi ícanga. Ubinkutsu, uner uwuku ucang awe ru nyaki ibɔrh amẽ ukau ukugɔng, ukukom iki iyii ni idzui ukau ha.

⁷ Ikpũ uner ha niba akaka ifɛrhkɔ iyɛi ubɛn ubin ru Uteijee.

⁸ Unga awu uner amɛn avaa, asi ingwẽẽ amɛnnga ananga unying ri ikikorhanga.

Iwe ru ubin nu itsũwã

⁹ Uneke uwuku udɔsu Uyesu aka awu utsũwã afĩrhã ugɛ ra asu Unum unga awu nggaa uner.

¹⁰ Bɔr uwuku uwe ru ubin afĩrhã ugɛɛ unga asi iwea ubin ra asu Unum, ubinkutsu unga awuri ikikoyi ru nyaka ífur ubĩ.

¹¹ Ivang ishaa unum iba idzek imani iki isaki itsu ífur ubĩ ukoyi igba nu izengge igwirngge. Rimi hã uner ubin aka ikpe ru uzêrhãnga ukpu igoyi igoi.

Ayetnum nu iviviri

¹² Idorh iwe iyi unerwi aka abima ri iviviri, ubinkutsu unga aba ananga ivivira ha, awuri iyesa itosa urhε Unum aka abemuwe kishoo abika abema unga.

¹³ Ivang undeya uba uwemgbɔ, unera niba agɔra agε, <<Unum unga andeya umum.>> Ubinkutsu, asi íkũ iki ibewe adeyimbo Unum, ikεi unga nibikanga asi ídeyinga unera.

¹⁴ Bɔr undeya iwuri ibamgbɔ ru unera ri ivangyε ikponi iyiki ibewe iki irhεm unga, ihwa itsinga.

¹⁵ Mɔcε ikponi iyiki ibewe iba itsĩ ru unera, iki isaki imar arhim. Ivang arhim aka iseng amaa, ake amar akpe.

¹⁶ Umbi aze angwēmɛn nu anapumɛn, niba arhεmmbɔ umbi.

¹⁷ Ubɛn izũwã iyiki ize nu undzumu izũwã idzeka afafã, idzeku Ute uwuku umunu írhirhang ra afã. Unga asi ífarunga ru nyaku uzirhĩ uku idziu.

¹⁸ Unga aseng imarmɛn ri irhεm idzidzerhe, ugε umɛn ima iwe íkpũrhã inggbaashi ugarh ra abina kishoo unga aka amuna.

Ikpe ato nu ikikorhe

¹⁹ Umbi aze angwēmɛn nu anapumɛn, àka ahwεng ugε ubɛn unera afêrhĩ igigũ, bɔr niba azanga arherhe, na azanga igũ avɔm.

²⁰ Ubinkutsu, unera asi ikũ avomnga akorhunga abin aka arhurhika Unum aka abee.

²¹ Nggee, àka atare uben amèn ishĩ hã aki arhim nu urherhe ibewe iki imaa ananga, àka angwēdzēn na ayei irhem hã umbō aka adoī ra amēmbi, iki idēē akũ umbi izĩ ififorh.

²² Niba agũ irhem ukpekũ na arhemmbi atsimbi. Àka atō itser nggu ngge.

²³ Uben uner uwuku ugũ urhem na asi itōō itser nggu ukpō, awu ru nyaku unerwi aki irhi asunga ri irhi.

²⁴ Unga anyã itsinga na azēr hã azĩã, kanying na ayiruka ikpũ unyēēnga uku uwe.

²⁵ Bōr unerwi aka angwēdzēn na arhi uku kpengkpeng ikpem iyiki idzowe ukam, na akorha ake, asi iyiruka ubinkpi unga aka agũ, bōr atō itser nggu ake, awuri itsukukumbō unga idorh ru ubinkpi unga aka ikorhe.

²⁶ Unera aba akaiferhkō uge unga awu uner agbeyi na asi ikpōma arhemnga, arhem itsinga, agbeyanga awu ibem.

²⁷ Agbeyake Unum Utemen aka iyei ru nyaki isisar aki idzidzerhe awu riminē, akika afuka atsēr hāpfu, nu angwēr hāpfu ra ayetnummbō, na asi ineke abin upfung adakuke unga.

2

Àka aneke itengasu

¹ Umbi angwēmēn nu anapumēn, ru nyaka abi imangmang ru Uteijeemēn Uyesu Ukiristo, Uteijee ikpikpoi, àka aneke itengasu.

² Age unera atsĩwã ri ikikɔngmbi, atsu imang uzinarhi ri itoknga nu atorho aka aze nu utsũwã ikei atsĩwã nggu ashaka atorho.

³ Umbi aba adzowe uner uwuku utsim atorho aka aze ha imor uge, <<Uba usei ra anang isei aka azea,>> bɔr umbi agɔr utsũwã hã age, <<Udẽẽ nggɔɔ,>> use <<Useisa abĩ ukhapa ra andaidakum,>>

⁴ umbi asi itengmbi asu nukpɔ na awu abika atsu uvau adɔkambi nggu iferhkɔ iyiki ibewe?

⁵ Àka akpeto, aze angwẽmɛn nu anapumɛn, Unum asi iseng atsũwã ra asu upfunga umbɔ awe abi ubin ri imangmang na anyangu ukam Iyerhe afã hã unga aka abemuwe abika abema unga?

⁶ Bɔr umbi arhena atsũwã. Asi iwea abika awe ru ubin ayɔm umbi? Asi iwea umbɔ aka isaka akũna umbi azĩ ukotu?

⁷ Asi iwea umbɔ aka isaka arheni itsok Utei-jeembi uwuku uwu ru ugarh?

⁸ Umbi aba adɔsumbi Íkpem Iyerha ha ri itseng Arherhu-Num, aki igɔr ige, <<Ubemu udɔkango ru nyaki itsingo,>>* ungo ukorhe uku urhirhiki nukpɔ.

⁹ Bɔr umbi aba atengmbi asu, umbi awu ra arhim, umbi aka agba uvau izharhuwe Íkpem.

¹⁰ Ubɛn unerwi aka adɔsi Íkpem kishoo aba azharhuka unying, aka agba uvau azharhuwe kishoo nukpɔ.

¹¹ Ubinkutsu uwuku ugɔr age, <<Niba utomungo-dak,>>† ikei agɔr age, <<Niba ufɛɔ

* **2:8** Àka anyã ikei: Urha 19.18. † **2:11** Àka anyã ikei: Idzi 20.14; Iva 5.18.

uner.>>‡ Ungo uba usi itomungo-dak, bər uferə
unera, ungo uku uzharhuwe Íkpem nukpə.

¹² Àka arherhe na akorhe ru nyaka abirabε aka
itsu umbə uvau ri ikpem iyiki idzowe ukam.

¹³ Ubinkutsu Unum awuri izharha arherhe iyiki
isheru atorh ra abirabε aka ashimbə ra atorh. Bər
atorh awuri inangke itsu uvau.

Imangmang nu ikikorhe

¹⁴ Awu use uwu izea, umbi angwēmən nu ana-
pumən, unera aba agər ugε unga awea ri imang-
mang bər asi ikorhunga ngge? Ikpū imangmang
hā iwuri ifərngge unga?

¹⁵ Uba ungwēmbi use unapumbi ashia ra atorho
use ubingha,

¹⁶ unying ru umbi aba agər unga agε, <<Uzī uku
utəə, Unum ama adzaa ubinkpi ungo uku itsim
nu ugha,>> bər asi ikorhukanga ubinkpi unga aka
abee, awu use izea?

¹⁷ Rimi hā, imangmang nibikangge, unera aba
asi ikū atəə itser nggu ngge, iki ikpengge.

¹⁸ Bər uwəə awuri igər agε, <<Ungo uwe ru
imangmang, umum iwe ru ikikorhe.>> Udeyiwa
imangmango iyiki ishingge ri ikikorhe, umum
ideyiwa imangmangmum ri ikikorhamum.

¹⁹ Ungo uweə ri imangmang ugε Unum awu
uning. Aze! Uko ípfu iyiki ibewe iwengge ri
imangmang rimi hā, na atsu umbə agū iwei ay-
ormbə azang.

²⁰ Ungo ugugge uner, ungo ubee umbə adeyiwa
ungo imangmang iki ishingge ri itser iwu ibəm?

‡ **2:11** Àka anyā iki: Idzi 20.13; Iva 5.17.

²¹ Asi iwea itser utokamɛn Uibrahim aka ad-zowe ungwɛnga Uishaku ru ubeu idɛm-Num, itsu umbɔ anyanga unga awu uner uwuku urhika?

²² Ungo unyaɔ imangmangnga iki izɛrhã nggu ikikorhanga itsu imangmangnga iwe undzumunga ri ikikorhanga.

²³ Ngge itsuifer itsɛng Arherhu-Num iki igɔr igɛ, <<Uibrahim aka awe ru imangmang ru Unum itsu Unum anyanga unga awu uner uwuku urhika.>>§ Ngge itsu umbɔ ayisa unga uwɛrhu Unum.

²⁴ Umbi anyãɛ, asi ínyangu unera awea uner uwuku urhika ru ubok imangmang ukpekũ, bɔr ru ubok itsernga ikei.

²⁵ Rimi hã, umbɔ aka anyangu Urahab unggoyi ha awu uner uwuku urhika ru ubok ubinkpi unga aka akorhe, ri ivangyɛ unga aka awɔke abika arhi anang hã, na adene umbɔ adɔsu utsĩndĩ uwukuse

²⁶ Ru nyaka iyor iki ishingge ru ipfu ngge iki ikpengge, iwe rimi hã imangmang iki ishingge ri ikikorhe iki ikpengge.

3

Ikpɔm arhɛm

¹ Asi iwea irhɛmbi aka iwe abika amesuwe, umbi aze angwɛmɛn nu anapumɛn, ubinkutsu umbi ahwɛngmbi ugɛ umɛn abika amesuwe awuri izharha arherhamɛn anangmbɔ abɔɔ.

² Umɛn kishoo igbeimɛn irhak ra atsĩndĩã arhɛrhɛ. Unera aba asi igbaa irhak ru ubinkpi unga aka arherhe, unga awu undzumu uner uwuku udɛɛ akpɔm iyornga kishoo.

§ 2:23 Àka anyã ikei: Ing 15.6.

³ Nggu ungwērḥũ unangga umēn iki itsu ra angwī inyāwā, ni idēē idzui iyorngge kishoo izī anangke umēn iki ibee.

⁴ Use unyangu akhukhɔɔ amē akpanga. Ng-gake ake awu agɔgɔngake, ugba ukerketakpɔ iki isaku ukūna ake uzērḥũ uzērḥā. Uko rimi hā, nggu ungwērḥũ igbong ukunjiir uner uwuku uk-pai ukhukhɔɔ amē hā aka isaka adzipa umgbɔ akū azī uben anangke unga aka abee izī.

⁵ Rimi hā arḥem unera ukunjiir aka awe ra agau iyor, bɔr awu ru nggaa ififīrhā. Àka anyā ishi urha ukunjiir iki ikpīwe akoi kishoo!

⁶ Arḥem ikei awu urha. Awu nggu iki ibewe ra agau iyor. Aka isaka adakuwe unera kishoo. Aka isaka atsu ibibeknga kishoo itsī ru urha. Urhakupi arḥem aka awe adzeki idzūū urha isok upfung.

⁷ Unera adēē akpɔma ikpū íjuε kishoo, nu anunu akika asoyi afafā nu abin aka akaikai nu aberḥ ra ukau ukugɔng,

⁸ bɔr unera asi ídēē akpɔma arḥemnga. Arḥem awu ubin uku ubewe asi iwoshuke. Atok nggu ungguma uwuku ufer uner.

⁹ Nggu arḥem umēn iki ikū ikpoi Uteijee aka awu Utēmen, nu nggu ake umēn iki ikū irhena anera Unum aka amuna ru uzirhzīnga.

¹⁰ Nggu angwīā unying umēn iki ikū ikpoi ni irhena. Umbi angwēmen nu anapumen, akere isi imēngge ngge iwe.

¹¹ Akwiu amē unying udēē udzowukpɔ amē aka aze nu amē aka akpere?

¹² Umbi angwēmen nu anapumen, ucucii uvorhvo udēē ughwermgbɔ ikpūrḥā uzaitun use

ucucii inebe udēē ughwermgbō ikpūrhā uvorhvo? Rimi hā akwīu amē aka awu uku ukpere asi ídēē adzeke amē aka aze.

Itsoi ikpūa ivaa

¹³ Ungamō awe ru itsoi nu ihwihweng ru umbi? Uneke unga adēyiwengge ri ibibeknga iyiki ize, nu itser iyiki ize nggu ididōrye iki idzeki itsoi.

¹⁴ Bōr uba ra amēnmbi unyēē akarhārhā nggu ibemitsi iwengge, àka aneke ikū ngge afīrhā use atseyi idzidzerhe.

¹⁵ Ikpū itsoi iyere isi idzengge ra afā. Idzeku upfung. Isi iwengge iyi Ipfu Isarsatangge, bōr iwu iyi Undenggū.

¹⁶ Ubinkutsu anangke unyēē uku uwe nu ibemitsi, umō ishōng arherhe nu ubēn iyiki ibewe iki iwe.

¹⁷ Bōr itsoiyē iki idzeka afā itirhi iwu isaisar, ikei ibemungge ididōr, itēnamēn, irherhi itsingge, itōk nggu atorh nu ikikorhe iyiki ize. Ishingge ri itēngasu use igha urha.

¹⁸ Uner uwuku ududōr adoi ididōr na aka isaka agber irhirhika.

4

Udzowe itsingo ru Unum

¹ Awu use ukū ifuw nu uning uba ru umbi? Asi idzekake ri ikponi iyiki ibewambi iki itang iwa ru umbi?

² Umbi abee ubin bōr asi ikpombi ukpō. Umbi afer na akārhā, bōr umbi asi idēē akpombi ubinkpi umbi aka abee. Umbi awu ru uning na afupa. Umbi asi ikpombi, ubinkutsu, umbi asi irhusumbi Unum.

³ Ivangye umbi aka irhusa, umbi asi iyɛimbi, ubinkutsu, umbi arhusa nggu ifɛrhkɔ iyiki ibewe, ngge itsú umbi afere ngge ri igũibenmbi.

⁴ Umbi abi itser itoma-dak, umbi asi ihwengmbi uge iwerhe nggu upfung iwu igamtsak nggu Unum? Uben unera aka abee iwe ri iwerhe nggu upfung awu unggamtsak Unum.

⁵ Umbi akaiferhkɔ uge awu ibem itseng Arherhu-Num iki igɔr igɛ, <<Unum akpɔm Ipfu ha unga aka atsu ru umɛn?

⁶ Bɔr unga aka isaka adzaa umɛn imimuta irheirhe. Ru nyaku itseng Arherhu-Num iki igɔr igɛ,

<<Unum akpɛɛ uwuku ufirhã,

bɔr adzowe imimuta ru uwuku urherhi itsi.>>^{*†}

⁷ Nggee, àka adzowe atsimbi kishoo ru Unum. Àka akpɛ Undenggũ, unga awuri itĩã umbi.

⁸ Àka aba akhapa ru Unum unga awuri iba akhapunga ru umbi, àka asorh abokmbi, umbi abi arhim, àka asare amɛnmbi, umbi abi amɛn avaa.

⁹ Àka agũ ighongamɛn, aciu na adɔng. Àka afaru unyĩrhãmbi uwe akpe, nu anggɔmmbi abvui awe idamɛn.

¹⁰ Àka arherhuwe atsimbi ra asu Uteijee, unga awuri iberuwa umbi.

¹¹ Umbi angwɛmɛn nu anapumɛn, niba acayimbi adɔka. Uben unera aka acayi ungwɛmbɔ use unapumbɔ, use atsu uvau ru unga, acayi Íkpem Unum nukpɔ na atsu uvau ru ngge. Ivangye ungo

^{*} **4:6** <<Unum akpɛɛ uner uwuku uberitsi.>> [†] **4:6** Àka anyã ikei: Uny 3.34.

uku utsu uvau ri Íkpem, ungo usi idɔsungo ngge, bɔr ungo utsu uvau ri ngge.

¹² Unum ikiyikanga adzowe Ikpem na atsu uvau, unga ikiyikanga adɛɛ afɔrh na atsime. Bɔr ungo uwe ungamɔ ungo uku itsu uvau ru udɔkango?

Ifɪfɪrhã nggu udãã

¹³ Àka akpeto, umbi abika agɔr agɛ, <<Irherɛ use udãã umɛn izĩ uteu ukpɛrɛ use ukpɔrɔ, izĩ imaa amɛka umɔ, igoyi igoi nĩ ikpo uhwɛk.>>

¹⁴ Umbi asi ihwɛngmbi ubinkpi uku iwe udã. Awu use uwu urhɛmbi? Awu ubinkpi uku uwe ru nyaku uzi uku idzeka ri ivanga ukunjiir nu ugwirkpɔ.

¹⁵ Nu ngge iki iwe rimi, imɛɛngge umbi awuri igɔr agɛ, <<Uteijee aba abemunga, umɛn ibɛk, umɛn ikorhe akɛrɛ use akɔrɔ.>>

¹⁶ Bɔr nggayɛ icɛrɛ, umbi afɪfɪrhã na abera atsimbi. Ikpũ ifɪfɪrhã hã iwu iyiki ibewe.

¹⁷ Uɓɛn unera aka ahwɛnga ubin uku uze unga aka ikorhe na asi ikikorhunga, awu arhim ru unga.

5

Agbiite ato abika awe ru ubin

¹ Àka akpeto, umbi abika awu ru ubin, àka aciu akpe na adɔng ri itsi ayetnumkɛ aka iba ru umbi.

² Abinmbi aka avɔke, nu ughɛɛ uku ughamgbɔ atorhambi.

³ Uzinarhimbi nu uazurhfambi aka adzurhke. Idzidzurhngge iwuri iwu ideka ra atsimbi, iwuri

ikpĩwe iyor umbi ru nyaku urha. Umbi akonge atsimbi abin ri imimasha ínum.

⁴ Àka anyã! Ugbeta ha umbi aka akpẽ ifai abi itser ri icangmbi, aka adẽẽ iciu akpe ra atsimbi. Akpe abika agbera abin icangmbi aka atsĩke ra ato Uteijee uwu ijee kishoo.

⁵ Umbi aseí igũiben ru upfung, umbi agha na ahwa ri ibibemambi. Umbi afuka atsimbi atsu ayormbi aseng agogong ru nyaki ijuẽ iki itsĩ unum ukpuku ungũgwã.

⁶ Umbi atsu ufai na afere anera aka ashimbɔ ru uvau, aka asi ikpẽmbɔ ra umbi.

Idongamen ra ayetnum

⁷ Àka adong amenmbi, umbi angwẽmen nu anapumen, utsɛku ibiba Uteijee. Àka anyã uner irham aki idzɛu icangnga iki ighwer abin unga aka adoí, nggu urherhe idongamen unga adzɛu inai iyiki idoi abin utsɛku inai iyi imaataka.

⁸ Umbi igambi, àka adong na adẽẽ aker, ubinkutsu ibiba Uteijee iki iyongge.

⁹ Umbi angwẽmen nu anapumen, àka niba ibvun arherhe ri itsi adoka, utsur umbɔ atsumbɔ uvau ru umbi. Uner uwuku utsu uvau ha adẽẽ ra angwĩ ubã!

¹⁰ Umbi angwẽmen nu anapumen, àka anyã abika asəm Arherhu-Num aki irherhe ri itsok Uteijee aka abima ra ayetnum. Àka amesa ru umbɔ.

¹¹ Ru nyaka umbi aka ahweng, umen iki isaki iyisa abika abubima awu abi idorh. Umbi agũmbi ikpũ ibibima Uayuba na anyãmbi abinkɛ Uteijee aka akorhuwe ri imaatak. Uteijee atok nggu atorh.

¹² Ubin uku unang kishoo, umbi angwēmen nu anapumen, àka niba ayirhmbi uyirh nggu afã, use nggu abĩ, use ubin ukpɔɔ. Àka agɔr agɛ, <<Ĩĩ>>, iba iwu <<Ĩĩ>> na agɔr agɛ <<Ĩĩ>> iba iwu <<Ĩĩ>> iba isi iwengge rimi, umbi awuri itsĩmbi ufai ukpu Unum.

¹³ Uner ayetnum awea ru umbi? Unga afen-Num. Uner anggɔm awea? Neke unga atsũ ubom ikpikpoi.

¹⁴ Uner irhãrhã awea ru umbi? Unga ayisa akakũ ikikɔng abika adɔsa umbɔ afene-Num ru unga, na adzukuwe atsei ru unga ri itsok Utejee.

¹⁵ Ikpũ ifen-Num ri imangmang iwuri ikerhukungge uner irhãrhã. Utejee awuri iberuka unga. Unga aba awea ra arhim awuri itsitsũwũkumbɔ ake.

¹⁶ Nggee àka asɔme adɔkambi arhimmbi, na ifene-Num ra adɔka nu umbɔ ama akerhuwa umbi. Ifen-Num iyi uner uwuku urhika iwe ru ijee nu iker iyiki itĩ itser.

¹⁷ Uirhiya awu unera ru nyaka umen. Unga ifen-Num akarhãrhã utsur inai idoingge, ikei inai isi idoingge nu abĩ utseku imeka itaar nu utenga.

¹⁸ Ikei unga afen-Num, afã adzowe inai, nu abĩ aghwɛr ikpũrhã.

¹⁹ Umbi angwēmen nu anapumen, uba uben unera ru umbi nekuka utsĩndĩ idzidzerhe, uben unera ru umbi aba azĩ akũna unga abvui aba

²⁰ àka ayita ugɛ uben uwuku ukunu uner arhim abvui aba ru utsĩndĩ idzidzerhe, unga awuri ifɔrhuka uner ha ra akpe na akũ utsĩndĩ uwuku utsũwe arherha arhim.

Ibibemuwe-Num Iyiki Ifa Ru Dũya
Duya: Ibibemuwe-Num Iyiki Ifa Ru Dũya (New
Testament)

copyright © 2024 Wycliffe Bible Translators, Inc.

Language: (Duya)

Translation by: Dũya Development Association

Contributor: SIL Nigeria

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-08

PDF generated using Haiola and XeLaTeX on 8 May 2025 from source files dated 8 May 2025

3ccd0531-8578-54e4-a023-62d4592e4b27